

**KARATE SAVEZ BOSNE I HERCEGOVINE  
КАРАТЕ САВЕЗ БОСНЕ И ХЕРЦЕГОВИНЕ  
KARATE SAVEZ BOSNE I HERCEGOVINE**



**TAKMIČARSKI PRAVILNIK  
KARATE SAVEZA BOSNE I HERCEGOVINE**

Sarajevo, 08.10. 2020. godine

Na osnovu člana 29, Tačka 26, Statuta Karate saveza Bosne i Hercegovine, Upravni odbor Karate saveza Bosne i Hercegovine, na svojoj 10. (desetoj) sjednici, održanoj u Sarajevu dana 08.10.2020. godine, donio je:

## **TAKMIČARSKI PRAVILNIK KARATE SAVEZA BOSNE I HERCEGOVINE**

### **I OPŠTE ODREDBE**

#### **Član 1.**

- (1) Takmičarskim pravilnikom Karate saveza Bosne i Hercegovine (u daljem tekstu: Pravilnik) reguliše se način organizacije takmičenja, uslovi i prava učešća na takmičenjima na nivou Bosne i Hercegovine (u daljem tekstu: BiH), a na osnovu:
- a. Statuta Karate saveza Bosne i Hercegovine (u daljem tekstu: KS BiH),
  - b. WKF pravila,
  - c. Pravila Karate federacije Balkana,
  - d. Ostalih normativnih akata KS BiH.

#### **Član 2.**

- (1) Sva takmičenja u karate sportu, kao uređena, javna i zvanična karate takmičenja, koja se nalaze u Kalendaru aktivnosti Karate saveza Bosne i Hercegovine, a održavaju se na teritoriji Bosne i Hercegovine, organizuju se i održavaju u skladu sa ovim Pravilnikom.
- (2) Sva takmičenja iz Kalendara aktivnosti KS BiH su u nadležnosti KS BiH.
- (3) Na državnim takmičenjima i drugim sportskim manifestacijama u Bosni i Hercegovini u karateu mogu učestvovati samo ekipe i pojedinci uredno registrovani u entitetskim savezima i uredno evidentirani u KS BiH, ukoliko ispunjavaju ostale uslove predviđene ovim Pravilnikom.
- (4) Na karate turnirima, u organizaciji karate klubova (opštinski, gradski, kantonalni/regionalni, entitetski), i kantonalnih/regionalnih i entitetskih karate saveza, izuzev takmičara i ekipa iz Stava 3. (tri), Člana 2. (dva), mogu nastupati ekipe i pojedinci iz inostranstva koji se nalaze u sistemu WKF-a, izuzev reprezentacija država, bez odobrenja nadležnih organa KS BiH.
- (5) Na ostalim susretima manifestacionog ili edukativnog karaktera pravo učešća imaju svi uredno registrovani sportski subjekti iz zemlje i inostranstva, pod uslovom da pripadaju WKF-u.

#### **Član 3.**

- (1) Takmičenja na državnom i međunarodnom nivou organizuje i sprovodi KS BiH sa nadležnim organima, komisijama i komisijama, u skladu sa ovim i ostalim pravilnicima KS BiH.
- (2) KS BiH može dodijeliti tehničku organizaciju zvaničnih međunarodnih takmičenja (Balkansko, Mediteransko, Evropsko, Svjetsko i dr.), entitetskim savezima. Prava i obaveze organizacije međunarodnih zvaničnih takmičenja će se reugulisati posebnim ugovorom između KS BiH i entitetskih saveza.
- (3) Karate turnire karate klubova (opštinski, gradski, kantonalni/regionalni, entitetski) i kantonalnih/regionalnih i entitetskih karate saveza, koji su u Kalendaru aktivnosti KS

BiH, organizuju klubovi (opštinski, gradski, kantonalni/regionalni, entitetski) i kantonalni/regionalni i entitetski karate savezi pod nadležnošću KS BiH sa zvaničnim komisijama i u skladu sa ovim pravilnikom.

- (4) Pripreme, kampove, seminare i druge oblike edukativnog rada, kao i učešće i nastupe reprezentacija KS BiH na takmičenjima, sportskim priredbama i manifestacijama koji nisu u zvaničnom sistemu takmičenja, a koji su u Kalendaru aktivnosti KS BiH ili su odlukama Upravnog odbora KS BiH (u daljem tekstu UO) naknadno uvršteni u program rada reprezentacija, organizuje KS BiH, dok tehničku organizaciju mogu dobiti niži oblici organizovanja karate sporta u BiH.

## **II SISTEM TAKMIČENJA**

### **Član 4.**

- (1) Sistem takmičenja na nivou BiH utvrđuje i donosi UO KS BiH na prijedlog Takmičarske komisije i Sportskog direktora, svako iz svoje nadležnosti.

### **Član 5.**

- (1) Takmičarska komisija, u saradnji sa Sportskim direktorom, dužna je započeti aktivnosti na izradi prijedloga Kalendara aktivnosti KS BiH za narednu godinu i blagovremeno isti dostaviti UO KS BiH na usvajanje, odmah po prijemu Kalendara takmičenja Karate federacije Balkana/KFB, Mediteranske karate federacije/MKF, Evropske karate federacije/EKF i Svjetske karate federacije/WKF, a najkasnije do 15. septembra tekuće godine za narednu godinu.
- (2) Odluka o sistemu takmičenja, kao i Kalendar aktivnosti KS BiH, moraju biti donijeti od strane UO, najkasnije do 01. novembra tekuće godine za narednu godinu.

### **Član 6.**

- (1) O svim takmičarskim aktivnostima iz Kalendara aktivnosti KS BiH i poštovanju odredaba ovog Pravilnika, staraju se i odgovorni su Takmičarska komisija i Sportski direktor, svako iz svoje nadležnosti.

### **Član 7.**

- (1) O aktivnostima, organizaciji i održavanju takmičenja na drugostepenom nivou odgovoran je UO KS BiH.

## **III SLUŽBENI SISTEM TAKMIČENJA**

### **OPŠTINSKA, GRADSKA, KANTONALNA/REGIONALNA I ENTITETSKA TAKMIČENJA**

#### **Član 8.**

- (1) Opštinska, gradska, kantonalna/regionalna i entitetska takmičenja organizuju isti savezi u skladu sa svojim normativnim aktima.
- (2) Normativna akta opštinskih, gradskih, kantonalnih/regionalnih i entitetskih saveza, obavezno trebaju biti usklađena sa normativnim aktima Karate saveza Bosne i Hercegovine.

### **DRŽAVNA TAKMIČENJA - PRVENSTVA, KUPOVI I LIGE**

#### **Član 9.**

- (1) Državna takmičenja organizuje KS BiH.
- (2) Tehničku organizaciju državnih takmičenja KS BiH može povjeriti entitetskim savezima.
- (3) Takmičenje se organizuje na osnovu odredaba ovog Pravilnika, drugih normativnih akata i odluka UO KS BiH.
- (4) Pravo učešća na državnim takmičenjima imaju klubovi i njihovi takmičari uredno registrovani u entitetskim savezima i uredno evidentirani u KS BiH, koji su prethodno učestvovali na entitetskim takmičenjima.

#### **Član 10.**

**(1) Državna prvenstva:**

- a. Državno prvenstvo za seniore u borbama pojedinačno po težinskim kategorijama,
- b. Državno prvenstvo za seniore u borbama ekipno,
- c. Državno prvenstvo za seniore u katama pojedinačno i ekipno,
- d. Državno prvenstvo za seniorke u borbama pojedinačno po težinskim kategorijama,
- e. Državno prvenstvo za seniorke u borbama ekipno,
- f. Državno prvenstvo za seniorke u katama pojedinačno i ekipno,
- g. Državno prvenstvo za U21 za muškarce u borbama pojedinačno po težinskim kategorijama,
- h. Državno prvenstvo za U21 za muškarce u borbama ekipno,
- i. Državno prvenstvo za U21 za muškarce u katama pojedinačno i ekipno,
- j. Državno prvenstvo za U21 za žene u borbama pojedinačno po težinskim kategorijama,
- k. Državno prvenstvo za U21 za žene u borbama ekipno,
- l. Državno prvenstvo za U21 za žene u katama pojedinačno i ekipno,
- m. Državno prvenstvo za juniore u borbama pojedinačno po težinskim kategorijama,
- n. Državno prvenstvo za juniore u borbama ekipno,
- o. Državno prvenstvo za juniore u katama pojedinačno,
- p. Državno prvenstvo za juniorke u borbama pojedinačno po težinskim kategorijama,
- q. Državno prvenstvo za juniorke u borbama ekipno,
- r. Državno prvenstvo za juniorke u katama pojedinačno,
- s. Državno prvenstvo za kadete u borbama pojedinačno po težinskim kategorijama,
- t. Državno prvenstvo za kadete u borbama ekipno,
- u. Državno prvenstvo za kadete u katama pojedinačno,
- v. Državno prvenstvo za kadete/juniore u katama ekipno,
- w. Državno prvenstvo za kadetkinje u borbama pojedinačno po težinskim kategorijama,
- x. Državno prvenstvo za kadetkinje u borbama ekipno,
- y. Državno prvenstvo za kadetkinje u katama pojedinačno,
- z. Državno prvenstvo za kadetkinje/juniorke u katama ekipno,
- aa. Državno prvenstvo za dječake U12 i U14 u borbama pojedinačno po težinskim kategorijama,
- bb. Državno prvenstvo za dječake U10, U12 i U14 u katama pojedinačno i ekipno,

- cc. Državno prvenstvo za djevojčice U12 i U14 u borbama pojedinačno po težinskim kategorijama,
  - dd. Državno prvenstvo za djevojčice U10, U12 i U14 u katama pojedinačno i ekipno.
- (2) Državni kupovi:
- a. Državni kupovi se organizuju, po potrebi, za sve uzrasne kategorije i discipline, pojedinačno i ekipno, u muškoj i ženskoj konkurenciji, identično kao i državna prvenstva, sa razlikom što se kupovi organizuju bez popravnih (repasažnih) borbi, (nokaut sistem).
  - b. Državni kup za seniore-ke u borbama pojedinačno organizuje se u olimpijskim težinskim kategorijama.
- (3) Državne lige:
- a. Državne lige se organizuju, po potrebi, za sve uzrasne kategorije u borbama ekipno u muškoj i ženskoj konkurenciji.
  - b. U uzrasnim kategorijama, u muškoj i ženskoj konkurenciji, u kojima se održavaju lige, ne održavaju se državna prvenstva u borbama ekipno, sve dok lige traju.
- (4) Izborna takmičenja:
- a. Za izbor takmičara u reprezentacije BiH organizuju se izborna takmičenja za sve uzrasne kategorije i discipline, pojedinačno i ekipno, u muškoj i ženskoj konkurenciji, identično kao i državna prvenstva.
  - b. Izborna takmičenja su otvorenog tipa za sve takmičare koji konkurišu za reprezentacije BiH.

## MEĐUNARODNA TAKMIČENJA

### Član 11.

- (1) Zvanična međunarodna takmičenja su: Olimpijske igre, Svjetsko seniorsko prvenstvo, Svjetske igre, Svjetsko kadetsko, juniorsko i U21 prvenstvo, Premier liga, Serija A, Liga mladih, Svjetski kup, Svjetsko univerzitetsko prvenstvo, Svjetske univerzitetske igre, Evropsko seniorsko prvenstvo, Evropske igre, Evropsko kadetsko, juniorsko i U21 prvenstvo, Evropsko univerzitetsko prvenstvo, Evropske univerzitetske igre, Mediteranske igre za seniore, Mediteransko prvenstvo za kadete, juniore, U21 i seniore i Balkansko prvenstvo za sve uzrasne kategorije.
- (2) Na ovim zvaničnim međunarodnim takmičenjima nastupaju reprezentacije KS BiH: Olimpijske igre, Svjetsko seniorsko prvenstvo, Svjetsko kadetsko, juniorsko i U21 prvenstvo, Svjetsko univerzitetsko prvenstvo, Svjetske igre, Evropsko seniorsko prvenstvo, Evropsko kadetsko, juniorsko i U21 prvenstvo, Evropske igre, Mediteranske igre za seniore, Mediteransko prvenstvo za kadete, juniore, U21 i seniore i Balkansko prvenstvo za sve uzrasne kategorije.
- (3) Reprezentacije KS BiH mogu učestvovati na zvaničnim međunarodnim takmičenjima samo na osnovu odluka UO KS BiH.
- (4) Međunarodni turniri su oni turniri koji su uvršteni u Kalendar aktivnosti KS BiH, u skladu sa kriterijima KS BiH.
- (5) Na međunarodnim turnirima, prijateljskim i drugim takmičenjima, mogu učestvovati ekipe klubova, gradskih, kantonalnih, regionalnih i entitetskih Saveza.
- (6) Za ekipe mogu nastupati uredno registrovani takmičari-ke u entitetskim savezima i evidentirani u KS BiH, uz obavještanje nadležnih organa KS BiH.

## IV UZRASNE KATEGORIJE

### Član 12.

- (1) Uzrasne kategorije takmičara su:
  - a. seniori-seniorke od +18 godina starosti u borbama i +16 godina u katama,
  - b. mlađi seniori-seniorke (U-21) 18-20 godina starosti (m+ž),
  - c. juniori-juniorke 16-17 godina starosti,
  - d. kadeti-kadetkinje 14-15 godina starosti,
  - e. dječaci-djevojčice 8 -13 godina starosti,
  - f. veterani-veteranke od 35 godina starosti.
  
- (2) Para karate:
  - a. Invalidna lica,
  - b. osobe sa intelektualnim smetnjama,
  - c. slijepe i slabovidne osobe.
  
- (3) Komisija svaku godinu usklađuje uzrasne kategorije sa pravilima Karate federacije Balkana/KFB, Evropske karate federacije/EKF i Svjetske karate federacije/WKF.
- (4) Za kadete, juniore, U21 i seniore (m+ž) donja starosna granica se utvrđuje na dan konačne prijave na Evropskom i Svjetskom prvenstvu.
- (5) Starosna granica za dječije kategorije utvrđuje se godinom rođenja.
- (6) Tolerancija za prekoračenje utvrđenih graničnih vrijednosti nema.
- (7) Komisija, kao prilog Kalendara aktivnosti, dostavlja usklađene uzrasne i težinske kategorije.

## V TAKMIČARSKE DISCIPLINE

### Član 13.

- (1) Takmičenja se održavaju u borbama i katama, u pojedinačnoj i ekipnoj konkurenciji za muškarce i žene.
- (2) Takmičarske discipline se označavaju slovima (A za muški spol i B za ženski spol) i rednim brojem discipline krećući uzlazno od manje prema većoj starosnoj i/ili težinskoj kategoriji.

## BORBE

### Član 14.

- (1) Discipline takmičenja u borbama su:
  - a. Pojedinačno u težinskim kategorijama za dječake i djevojčice, kadete i kadetkinje, juniore i juniorke, mlađe seniore i mlađe seniorke (-U21) i seniore i seniorke,
  - b. Ekipna prvenstva u apsolutnoj kategoriji za: kadete i kadetkinje, juniore i juniorke, mlađe seniore i mlađe seniorke (-U21) i seniore i seniorke,
  - c. Pojedinačni kupovi po težinskim kategorijama za: dječake i djevojčice, kadete i kadetkinje, juniore i juniorke, mlađe seniore i mlađe seniorke (-U21), seniore i seniorke,
  - d. Ekipni kupovi u apsolutnoj kategoriji za: kadete i kadetkinje, juniore i juniorke, mlađe seniore i seniorske -U21, seniore i seniorke.

## KATE

### Član 15.

(1) Discipline takmičenja u katama su:

a. Pojedinačna i ekipna prvenstva za:

- dječake i djevojčice,
- kadete i kadetkinje,
- juniore i juniorke,
- mlađe seniore i mlađe seniorke (-U21) i
- seniore i seniorke.
- veterani i veteranke

b. Pojedinačni i ekipni kupovi za:

- dječake i djevojčice,
- kadete i kadetkinje,
- juniore i juniorke,
- mlađe seniore i mlađe seniorke (-U21) i
- seniore i seniorke
- veterani i veteranke

### Član 16.

(1) Službene težinske kategorije:

Seniori	Seniorke	U-21 Muškarci	U-21 Žene	Juniori	Juniorke	Kadeti	Kadetkinje
-60 kg	-50 kg	-60 kg	-50 kg	-55 kg	-48 kg	-52 kg	-47 kg
-67 kg	-55 kg	-67 kg	-55 kg	-61 kg	-53 kg	-57 kg	-54 kg
-75 kg	-61 kg	-75 kg	-61 kg	-68 kg	-59 kg	-63 kg	+54 kg
-84 kg	-68 kg	-84 kg	-68 kg	-76 kg	+59 kg	-70 kg	-
+84 kg	+68 kg	+84 kg	+68 kg	+76 kg	-	+70 kg	-
Dječaci				Djevojčice			
10 godina	11 godina	12 godina	13 godina	10 godina	11 godina	12 godina	13 godina
-30 kg	-35 kg	-37 kg	-40 kg	-30 kg	-32 kg	-35 kg	-39 kg
-35 kg	-40 kg	-42 kg	-45 kg	-34 kg	-36 kg	-40 kg	-44 kg
-40 kg	-45 kg	-47 kg	-50 kg	-37 kg	-40 kg	-45 kg	-49 kg
-45 kg	-50 kg	-52 kg	-55 kg	-40 kg	-44 kg	-50 kg	-54 kg
+45 kg	+50 kg	+52 kg	+55 kg	+40 kg	+44 kg	+50 kg	+54 kg

(2) Težinske kategorije za djecu se usklađuju sa pravilima Karate Federacije Balkana, a za kadete, juniore, mlađe seniore (U21) i seniore usklađuje se sa pravilima WKF .

### Član 17.

- (1) Takmičarska komisija predlaže Upravnom odboru starosne i težinske kategorije sa oznakama u kojima će se provoditi takmičenje u sljedećoj godini, najkasnije do 01. oktobra tekuće godine, za narednu godinu.
- (2) Upravni odbor do 01. novembra tekuće godine potvrđuje starosne i težinske kategorije sa oznakama u kojima će se provoditi takmičenje u sljedećoj godini.

#### **Član 18.**

- (1) Službene kategorije zajedno sa oznakama usvojenim od strane UO KS BiH su obavezne za klubove opštinskih, gradskih, kantonalnih-/regionalnih i entitetskih karate saveza.

#### **Član 19.**

- (1) Na državnim prvenstvima i kup takmičenjima u pojedinačnoj konkurenciji nije dozvoljen susret takmičara različitih uzrasnih i težinskih kategorija ni u borbama ni u katama.
- (2) Takmičar u pojedinačnom nastupu može nastupati u jednom danu samo u jednoj starosnoj kategoriji za kate i/ili samo jednoj starosnoj i težinskoj kategoriji za borbe

### **VI POJEDINAČNA I EKIPNA TAKMIČENJA U BORBAMA**

#### **Član 20.**

- (1) Sva Državna prvenstva, pojedinačna i ekipna, u borbama i katama, kao i ostala takmičenja, uvrštena u Kalendar aktivnosti Karate saveza BiH, održavaju se sa punim repasažom.
- (2) Takmičenja se održavaju do dobijanja finaliste poslije čega se pristupa repasažu u kojem se sastaju takmičari odnosno ekipe po redoslijedu kojim su gubili susrete od finalista.
- (3) Pobjednik repasaža iz gornjeg dijela žrijebne liste i pobjednik iz donjeg dijela žrijebne liste osvajaju treća mjesta, dok se finalisti sastaju u borbi za prvo, odnosno drugo mjesto.
- (4) Državna kup takmičenja, pojedinačna i ekipna, održavaju se sa punim repasažom u olimpijskim kategorijama.

#### **Član 21.**

- (1) Borilište za djecu 10, 11, 12 i 13 godina je dimenzija 6 x 6 m, sa zaštitnim pojasom, a za starije uzraste prema pravilima WKF-a, 8 x 8 m.

#### **Član 22.**

- (1) Trajanje borbi za dječake i djevojčice 10, 11, 12 i 13 godina iznosi 90 sekundi i usklađuje se sa preporukama Karate federacije Balkana.
- (2) Trajanje borbi za kadete-kadetkinje, juniore-juniorke, mlađe seniore-seniorke (U21), seniore-seniorke uređeno je WKF pravilima.

#### **Član 23.**

- (1) Jedan karate klub u ekipnom takmičenju na državnom nivou (prvenstvo, kup, liga) može da učestvuje samo sa jednom ekipom i samo u jednoj ligi, ukoliko liga postoji.

#### **Član 24.**

- (1) Na početku ekipnog takmičenja (prvenstvo, kup, liga) muška ekipa može nastupiti ukoliko ima najmanje tri člana, a ženska dva člana. Svaka ekipa može biti isključivo muška ili ženska.

#### **Član 25.**

- (1) Na konačnim prijavama vođa ekipe prijavljuje takmičare koji će nastupati za ekipu.

- (2) Muška ekipa broji 5+2 takmičara, a ženska ekipa broji 3+1 takmičarku. Konačno prijavljeni sastav ekipe se ne može mijenjati.

#### Član 26.

- (1) Pojedinačna i ekipna takmičenja rade se u skladu sa važećim WKF pravilima i moraju nastupati najmanje 2 takmičara ili 2 ekipe.

### VII POJEDINAČNA I EKIPNA TAKMIČENJA U KATAMA

#### Član 27.

- (1) Takmičenja u katama održavaju se po WKF pravilima, s tim da u svakoj kategoriji, moraju nastupati najmanje 2 takmičara/ke, odnosno ekipe (m+ž).
- (2) U ekipnim mečevima nastupa tim od tri takmičara.
- (3) Nisu dozvoljena pojačanja sportistima za prvenstvo, kup i ligu, koji su registrovani van teritorije BiH i ne posjeduju ličnu dokumentaciju (rodni list, ličnu kartu i pasoš) Države BiH.
- (4) Svaka ekipa je isključivo muška ili ženska.
- (5) Jedan karate klub može, u jednoj uzrasnoj kategoriji na ekipnom takmičenju (prvenstvo, kup, liga) da učestvuje samo sa jednom ekipom.
- (6) Individualno takmičenje se sastoji u pojedinačnom izvođenju kata, posebno muška i posebno ženska grupa.

#### Član 28.

- (1) U pojedinačnom takmičenju za djecu, svaka godina starosti predstavlja zasebnu takmičarsku grupu, dok se u ekipnom takmičenju formiraju starosne grupe.

Godište	Pojedinačno	Ekipno
Djeca	8 godina	8 – 9 godina
	9 godina	U10
	10 godina	10 – 11 godina
	11 godina	U12
	12 godina	12 – 13 godina
	13 godina	U14

- (2) Takmičari u starosnim kategorijama 10, 11, 12 i 13 godina izvode kate sa liste odobrenih kata i u svakom krugu izvode novu katu.
- (3) Takmičari od 8 i 9 godina izvode kate sa liste odobrenih kata i oni mogu ponavljati katu u svakom četvrtom krugu (moraju znati najmanje tri kate) i ne mogu izvoditi istu katu uzastopno.
- (4) Takmičenje u starosnim kategorija kadeti-kadetkinje, juniori-juniorke, mlađi seniori-seniorke (U21), seniori-seniorke odvija se po WKF pravilima.

#### Član 29.

- (1) Takmičari izvode kate sa liste odobrenih kata sa liste priznatih stilova.
- (2) Promjene izabrane kate nisu dozvoljene i u svakom kolu moraju da izvedu različitu katu.
- (3) Jednom izvedena kata ne može biti ponovljena, izuzev takmičara iz Člana 28. Stav (3).

#### **Član 30.**

- (1) U ekipnom kata takmičenju za medalje, obavezno se izvodi Bunkai, izuzev takmičara iz Člana 28. Stav (1).
- (2) U borbama za medalju ekipnog kata takmičenja, ukoliko ekipe ne izvedu Bunkai, mora se proglasiti pobjednik.

#### **Član 31.**

- (1) Takmičarska komisija, u saradnji sa Sudijskom komisijom KS BiH, dostavlja spisak odobrenih kata, koji se objavljuje sa Kalendarom aktivnosti najkasnije do 01. oktobra tekuće godine za narednu godinu.

### **VIII EVIDENCIJA TAKMIČARA**

#### **Član 32.**

- (1) Samo registrovani takmičari u entitetskim karate savezima i evidentirani u Karate savezu Bosne i Hercegovine imaju pravo nastupa na javnim-zvaničnim takmičenjima koja organizuje KS BiH i njegove članice.

#### **Član 33.**

- (1) Evidencija takmičara u Karate savezu BiH vrši se na osnovu registracije takmičara u entitetskim savezima, u skladu sa normativnim aktima Karate saveza Bosne i Hercegovine i entitetskih saveza (Karate saveza Federacije BiH i Karate saveza Republike Srpske).

#### **Član 34.**

- (1) Takmičar može biti registrovan samo za jedan klub, a u iznimnim situacijama može imati i dvojni registraciju, i to samo za nastup na državnim ekipnim takmičenjima: 2 takmičara u borbama za muškarce i 1 takmičarka u borbama za žene.
- (2) Takmičar se ne može registrovati za klub drugog entitetskog saveza bez brisovnice iz entitetskog saveza u kojem je trenutno registrovan.

#### **Član 35.**

- (1) Takmičar može na ekipnim takmičenjima (turnirima) nastupiti i za drugi klub, samo uz pismenu saglasnost kluba čiji je član.
- (2) Takmičar ne može nastupiti za bilo koji klub, ukoliko je u tom trenutku član jedne od reprezentacija Karate saveza BiH. U protivnom, podliježe disciplinskoj odgovornosti.

#### **Član 36.**

- (1) Takmičari i klubovi koji se učlane u druge organizacije ili uzmu učešće na takmičenjima u organizacijama koje nisu priznate od strane Karate saveza Bosne i Hercegovine i Svjetske karate federacije/WKF, podliježu disciplinskoj odgovornosti.

### **IX TAKMIČARSKI DOKUMENT**

#### **Član 37.**

- (1) Takmičarski dokument definisan je Pravilnikom o evidenciji klubova i takmičara, usvojen od Upravnog odbora Karate saveza Bosne i Hercegovine, odnosno entitetskih Saveza.
- (2) Entitetski savezi izdaju takmičarski dokument – akreditaciju, kojom takmičar dokazuje identitet i na osnovu koje se vrši uvid u vjerodostojnost podataka.

## **X DOKUMENTI TAKMIČENJA**

### **Član 38.**

- (1) Za prijavu i nastup takmičara obavezno je posjedovanje takmičarskog dokumenta-akreditacije za tekuću godinu, sa propisanim, unijetim i ovjerenim podacima o identitetu i registraciji.
- (2) Osiguranje i ljekarski nalaz o zdravstvenoj sposobnosti ne starijim od šest mjeseci za takmičare iz FBiH i 12 mjeseci za takmičare iz RS.
- (3) Službena lica na takmičenjima obavezna su da posjeduju akreditaciju i nalog za suđenje i daju ih na uvid Delegatu takmičenja.
- (4) U slučaju neposjedovanja ili nepotpunosti dokumenata takmičarima i službenim licima neće se dozvoliti učešće na takmičenju.
- (5) U slučaju korištenja falsifikovanog dokumenta ili dokumenta sa netačnim podacima od strane učesnika takmičenja, istima se neće dozvoliti učešće na takmičenju i protiv njih će delegat podnijeti disciplinsku prijavu.

## **XI ŽRIJEB**

### **Član 39.**

- (1) Nakon isteka predviđenog roka za prijavu, prispjele prijave neće se uzimati u obzir.
- (2) Žrijebanje za određeno takmičenje obaviti će se po okončanju konačnih prijava.
- (3) Žrijebanjem rukovodi delegat takmičenja.
- (4) Delegat takmičenja je u obavezi da uz bilten dostavi i link za prijavu za svako takmičenje.
- (5) Žrijebanje se obavlja elektronski, putem zvaničnog programa KS BiH ili ručno, ako nastanu tehnički problemi s opremom.
- (6) Žrijebanje se može ponoviti samo po uslovom da je prilikom žrijebanja uočena tehnička ili materijalna greška.
- (7) Odluku i ponovnom žrijebanju može donijeti delegat takmičenja.
- (8) Žrijeb može biti objavljen na sajtu Saveza po odluci Takmičarske komisije.

## **XII RASPIS I ORGANIZACIJA TAKMIČENJA**

### **Član 40.**

- (1) Takmičarska komisija predlaže UO uslove za dobivanje saglasnosti za organiziranje državnih takmičenja u sljedećoj godini najkasnije do 01. oktobra tekuće godine, za narednu godinu.
- (2) Upravni odbor do 01. novembra, potvrđuje uslove za dobivanje saglasnosti za organizaciju takmičenja u sljedećoj godini.

### **Član 41.**

- (1) Dodjelu tehničke organizacije državnih takmičenja vrše Upravni odbori entitetskih saveza po principu rotacije.
- (2) Prijave za organizaciju međunarodnih takmičenja i tehničku organizaciju Državnog takmičenja vrše se na osnovu internog konkursa.
- (3) Za međunarodna takmičenja iz naredne godine interni konkurs se objavljuje 01.novembra. do 15.novembra u tekućoj godini.

#### **Član 42.**

- (1) Takmičarska komisija Karate saveza Bosne i Hercegovine, po principu rotacije, vrši raspis za sva takmičenja iz Kalendara aktivnosti KS BiH određuje tehničkog organizatora na Državnom nivou entitetskim savezima, koji dostavlja raspis za sva takmičenja iz kalendara aktivnosti Karate savezu Bosne i Hercegovine, najmanje 30 dana prije održavanja određenog takmičenja.
- (2) Raspis mora da sadrži:
  - a. Naziv takmičenja
  - b. Kategorije koje nastupaju
  - c. Propozicije takmičenja,
  - d. Mjesto održavanja,
  - e. Sportski objekat u kojem se takmičenje održava,
  - f. Tačnu satnicu odvijanja takmičenja,
  - g. Naziv i logo organizatora
  - h. Smještaj, ishrana, službena lica i kotizacija
  - i. Ostale podatke bitne za održavanje takmičenja kao npr. Sponzori, podaci o gradu u kom se održava i sl.

#### **Član 43.**

- (1) Povjeravanje tehničke organizacije takmičenja i skupova u Bosni i Hercegovini na državnom i međunarodnom nivou vrši se na osnovu uslova o tehničkoj organizaciji takmičenja koji ne mogu biti u suprotnosti sa ovim Pravilnikom.
- (2) -Da sa KS BIH potpiše ugovor o tehničkoj organizaciji datog takmičenja i da isti u potpunosti realizuje,
  - Da održavanje Prvenstva prijavi policiji i vatrogascima 7 dana prije održavanja takmičenja (pisani dokaz poslati na uvid kancelariji KS BiH),
  - Da izvrši medijsku najavu Prvenstva (štampani i elektronski mediji, panoi, plakati, RTV i dr.),
  - Da obezbijedi prisustvo medija na takmičenju,
  - Da izvrši rezervaciju smještaja i ishrane za službena lica, klubove, goste i ostale učesnike, za koje je to predviđeno i sve koji to od organizatora zatraže,
  - Da obezbijedi za Savez besplatnu i uslovnu dvoranu za organizaciju takmičenja: potreban broj uslovnih svlačionica za službena lica i sportiste, službene prostorije za konačnu prijavu, žrijeb i vaganje sportista, dovoljan broj toaleta za sve učesnike, gledalište sa predviđenim brojem mjesta za boravak publike i sportista, takmičarsku plohu za predviđen broj tatamija sa predviđenim međuprostorom, prostor za predviđene stolove i stolice, prostor za proglašenje pobjednika, prostor za pripremu i boravak sportista u disciplinama i kategorijama koji neposredno učestvuju u takmičenju (uz takmičarsku plohu sa jedne ili obje strane i/ili pomoćnu salu sa razglasom), prostor za boravak selektora-trenera, predstavnika medija i gostiju, prostor za ishranu službenih lica i gostiju, razglas, koračnicu, himnu i državnu zastavu, potrebnu temperaturu i osvjetljenost, parking prostor za sve učesnike takmičenja

- Da obezbijedi predviđen broj borilišta/tatamija, potreban broj semafora za karate, zastavice, zaštitnu ogradu oko borilišta/službenog prostora, inventar (stolovi, stolice i dr), adekvatno pobjedničko postolje za pojedinačna I ekipna proglašenja, pano/baner sa nazivom takmičenja i sa osnovnim informacijama o takmičenju iza pobjedničkog postolja, prostor i inventar za zvaničnike Saveza, predsjednike organa i radnih tijela Saveza, selektore-trenere, goste i medije,
- Da obezbijedi dovoljan broj tehničkog/pomoćnog osoblja za nesmetano održavanje takmičenja (konferensijer, zapisničari, mjerioci vremena, administrator, hostese za ceremoniju proglašenja pobjednika, minimum 2 (dvije), higijeničarke),
- Da obezbijedi redarsku službu/zaštitarsku agenciju u optimalnom broju članova, sa jasno preciranim zadacima za nesmetano održavanje takmičenja,
- Da obezbijedi sanitetsko vozilo sa sanitetskom ekipom (ljekari, tehničari), nosilima i neophodnim sanitetskim materijalom, u optimalnom broju članova,
- Da obezbijedi predstavnika tehničkog organizatora kod delegata takmičenja, za cijelo vrijeme njegovog trajanja,
- Da obezbijedi vodu i/ili osvježavajuće napitke.
- Da obezbijedi prostor i najmanje jedan obrok (ručak) za sva službena lica i zvanice,
- Da predstavnicima Saveza (sportski direktor i sekretar Saveza), najmanje 7 (sedam) dana, a najmanje 1 (jedan) dan prije održavanja takmičenja, omogući inspekciju predložene sportske dvorane sa traženim unutrašnjim i vanjskim pripadajućim prostorima (parking), inventarom i opremom, kao i da im pruži sve tražene i tačne informacije o preduzetim i planiranim radnjama i merama za dobru organizaciju takmičenja.

#### **Član 44.**

- (1) Odluka o tehničkom organizatoru, odnosno mjestu održavanja donosi se najkasnije do kraja decembra tekuće godine, za narednu godinu.
- (2) Nakon saopštavanja Odluke o izboru tehničkog organizatora takmičenja (prvenstva, kupa, lige, izbornog takmičenja), Savez i tehnički organizator potpisuju ugovor o međusobnim pravima i obavezama tehničkog organizatora, odnosno Saveza, kao organizatora.

#### **Član 45.**

- (1) Ukoliko otkazivanje organizacije takmičenja uslijedi iz neopravdanih razloga, protiv tehničkog organizatora će biti pokrenut disciplinski postupak.
- (2) Ukoliko radi otkazivanja takmičenja od strane organizatora nastane materijalna šteta ili finansijska šteta za učesnike takmičenja i Karate savez Bosne i Hercegovine, tehnički organizator je dužan da na zahtjev oštećenih nadoknadi gubitak, u roku od 6 mjeseci.

#### **Član 46.**

- (1) Ako tehnički organizator takmičenja nije udovoljio zahtjevima ovih propozicija i ostalih važećih pravila ili zakasnio sa početkom takmičenja, sve prijavljene ekipe su prisutne, ili prema mišljenju Delegata za uspješno provođenje takmičenja postoje izvjesni drugi propusti koji mogu dovesti do materijalne povrede pravila, Delegat može odrediti maksimalno vrijeme od 60 minuta za koje je domaćin takmičenja dužan da sve dovede u red.
- (2) Ako ni poslije ovog vremena takmičenje ne može da počne, takmičenje se odlaže na teret domaćina, pri čemu je tehnički organizator obavezan da nadoknadi sve materijalne troškove klubova, službenih lica i Karate saveza BiH za ovo takmičenje.

#### **Član 47.**

- (1) Ukoliko sve državno takmičenje ne održi zbog više sile, isto će se održati u najkraćem mogućem roku.

### **XIII OSTALE ODREDBE O ORGANIZACIJI TAKMIČENJA**

#### **Član 48.**

- (1) Državna prvenstva moraju biti organizovana minimalno 60-90 dana, prije održavanja zvaničnih međunarodnih takmičenja.
- (2) Takmičenje mora početi na vrijeme i traje neprekidno do završetka.
- (3) Pored borilišta na parketu mogu da se nalaze samo takmičari, treneri i službena lica Saveza u propisanoj sportskoj opremi i sa akreditacijama-licencama.
- (4) Na takmičenju, u takmičarski i službeni prostor za odvijanje takmičenja, pored službenih i tehničkih lica mogu da uđu samo licencirani treneri i takmičari koji nastupaju.
- (5) Trener ima pravo da, u prekidima tokom borbe, u granicama sportskog ponašanja, daje savjete takmičaru.
- (6) U prostorije i hodnike za takmičare mogu da uđu samo učesnici takmičenja sa akreditacijom.

#### **Član 49.**

- (1) Tehnički organizator je dužan prijaviti takmičenje nadležnim institucijama (policija i vatrogasci) u skladu sa Zakonom o javnom okupljanju.

#### **Član 50.**

- (1) Tehnički organizator je dužan da za vrijeme održavanja takmičenja obezbijedi redarsku službu licenciranih agencija.

### **XIV SLUŽBENI PROSTOR**

#### **Član 51.**

- (1) Službeni prostor za odvijanje takmičenja mora biti fizički ograđen i odvojen od gledališta.
- (2) U službenom prostoru, za vrijeme odvijanja takmičenja, mogu biti i predstavnici medija, kao i zvanice na unaprijed određenom mjestu (obezbijediti akreditacije saveza sa natpisom PRESS i dati ih na korištenje predstavnicima medija).

#### **Član 52.**

- (1) Za glavnim zapisničkim stolom mogu se nalaziti samo slijedeća lica:
  - a. Delegat,
  - b. Vrhovni sudija,
  - c. Sportski direktor,
  - d. Sekretar Saveza
  - e. Spiker-konferensijer,
  - f. Administrator,
  - g. Predstavnik tehničkog organizatora i
  - h. Pomoćno osoblje za tehničku podršku
- (2) Glavni zapisnički sto mora biti na takvoj poziciji da se nesmetano mogu posmatrati sva borilišta.

- (3) Oko glavnog zapisničkog stola ne smiju biti postavljene stolice za dužnosnike Saveza i ostale zvanice.

## **XV VOĐA EKIPE**

### **Član 53.**

- (1) Vođa ekipe može biti trener ili druga osoba ovlaštena od strane Kluba.
- (2) Vođa ekipe dužan je delegatu dati na uvid ovlaštenje izdato od kluba da na takmičenju može zastupati takmičare i ekipe kluba, odnosno klub.
- (3) Vođa ekipe je odgovoran za ponašanje svojih članova, o njima mora voditi računa i zastupati njihove interese.
- (4) Vođa ekipe-trener mora biti u sportskoj opremi, a druga ovlaštena osoba u dress code.
- (5) Za vrijeme trajanja meča vođa ekipe i ostali takmičari ne smiju da riječima ili ponašanjem ometaju tok borbe.
- (6) Odstupanjem od Stava (5) ovog člana takmičar ili ekipa će biti kažnjeni na osnovu pravilnika KS BiH.
- (7) Vođa ekipe ne može biti službeno lice na istom takmičenju.
- (8) Samo vođe ekipa mogu da podnose prijave i žalbe delegatu i vrhovnom sudiji takmičenja.

## **XVI ZDRAVSTVENA ZAŠTITA**

### **Član 54.**

- (1) Takmičari moraju imati:
  - a. Ljekarsko uvjerenje, ne starije od 6 mjeseci (Karate savez F BiH) i 12 mjeseci (Karate savez RS),
  - b. Za mlađe i starije uzrasne kategorije uvjerenje izdaje ljekar nadležne medicinske ustanove,
  - c. Kompletnu zaštitnu opremu predviđenu WKF Takmičarskim pravilima za borbe i kate

### **Član 55.**

- (1) Svakom takmičenju mora da prisustvuje dežurni ljekar sa potrebnom opremom.
- (2) Bez ljekara takmičenje ne može da se odvija.
- (3) Za vrijeme odsutnosti ljekara takmičenje se mora prekinuti i ne može se nastaviti dok se on ne vrati.
- (4) Ukoliko se takmičenje odvija na četiri i više borilišta organizator obezbjeđuje još jednog ljekara.
- (5) Organizator takmičenja mora da obezbijedi službu transporta (sanitetsko vozilo i nosila) za povrijeđene takmičare.

### **Član 56.**

- (1) Nakon takmičenja, dežurni ljekar je dužan da Delegatu takmičenja podnese izvještaj sa specifikacijom povreda i zapažanja.

## **XVII OSIGURANJE**

### **Član 57.**

- (1) Svaki takmičar mora biti osiguran od posljedica nezgoda na sportskim manifestacijama.
- (2) Polisu o osiguranju sa spiskom osiguranih lica, ovjerenu od strane osiguravajuće kuće, podnosi vođa ekipe na uvid delegatu pred svako takmičenje.

## **XVIII VAGANJE I PREGLED DOKUMENATA**

### **Član 58.**

- (1) Vaganje takmičara vrši delegat, u za to određenom prostoru od strane tehničkog organizatora, na atestiranoj elektronskoj vagi sa jednim decimalnim mjestom (službena vaga), koju obezbjeđuje tehnički organizator. Ovakvu vagu postaviti na čvrsti pod, koji nije prekriven tepihom.
- (2) Za vrijeme kontrole težine i pregleda dokumenata u prostoriji mogu da se nalaze vođa ili trener ekipe ili takmičara.
- (3) Vaganje za sve takmičare održat će se prema satnici pojedinog takmičenja.
- (4) Vaganje se vrši samo jednom na atestiranoj vagi i to dan ranije ili u danu kada takmičar nastupa.
- (5) Ponovljeno vaganje je samo jednom i to u okviru vremena predviđenog za vaganje.
- (6) Svaki takmičar je dužan na službenom vaganju, službenom licu koje vrši vaganje, predati svoju akreditaciju radi identifikacije.
- (7) Nema toelrancije utvrđenih graničnih vrijednosti za sve kategorije.
  
- (8) Službeno vaganje se vrši samo jednom, na atestiranoj službenoj vagi, dan ranije ili u danu kada takmičar nastupa.
- (9) Službeno lice koje vaga takmičare ubilježiće njegovu težinu u kilogramima, sa jednom decimalom.
- (10) Takmičar koji ne ispuni propisane limite za težinsku kategoriju u kojoj je prijavljen ili se ne pojavi u vremenu zakazanom za vaganje, biće diskvalifikovan.
- (11) U prostoru za vaganje nije dozvoljeno fotografisanje i/ili snimanje.

## **XIX DISKVALIFIKACIJE I SUSPENZIJE**

### **Član 59.**

- (1) Dežurni ljekar je nadležan za donošenje odluke o trenutnoj nesposobnosti takmičara za takmičenje.
- (2) Odluka dežurnog ljekara je konačna za sve takmičare i službena lica takmičenja.
- (3) Vrhovni sudija - sudijski zbor takmičenja, u slučajevima težih povreda WKF Takmičarskih pravila za borbe i kate, fer-plej-a , Statuta i drugih odnosnih normativnih akata Saveza, dužan ja da izrekne mjeru isključenja takmičara, ekipe, kluba, službene osobe i/ili drugih članova Saveza, u zavisnosti od težine prekršaja, uz napuštanje prostora za takmičenje. U takvim slučajevima, takmičaru ili ekipi, koji su ostvarili potreban plasman, medalje se neće dodijeliti.

## **ŽALBE**

### **Član 60.**

- (1) Žalbe podnosi isključivo vođa ekipe u pisanoj formi i predaje ih delegatu takmičenja.

- (2) Žalba se podnosi uz uplatu takse u visini od 200,00 KM.
- (3) Odbor za žalbe rješava žalbe na suđenje i poštovanje sudijskih pravila, a delegat ostale žalbe u prvom stepenu. Ukoliko se žalba usvoji, taksa se vraća žalioцу.

#### **Član 61.**

- (1) U slučaju žalbe na odluku prvostepenog organa, žalba se podnosi, lično ili poštom, UO KS BiH u roku od dva dana od završetka takmičenja, uz uplatu propisane takse, u iznosu od 200,00 KM.

#### **Član 62.**

- (1) Drugostepeni organ za rješavanje žalbi je UO KS BiH.
- (2) Rok rješavanja žalbe je 30 dana od dana dostavljanja žalbe.
- (3) U slučaju pozitivnog rješenja žalbe, uplaćena taksa se vraća žalioцу i to po pravosnažnosti odluke.

#### **Član 63.**

- (1) U slučaju žalbe na odluku drugostepenog organa, ista se podnosi u roku od 8 dana od dana prijema rješenja drugostepenog organa Sportskoj arbitraži Saveza, pri čemu se uplaćuje taksa u iznosu od 200,00 KM., u skladu sa Pravilnikom Sportske arbitražne.
- (2) U slučaju pozitivnog rješenja uplaćeni iznos takse se vraća žalioцу po pravosnažnosti odluke.

### **XX PLASMAN**

#### **Član 64.**

- (1) Takmičari i ekipe koje osvoje 1-3. mjesto na pojedinačnim ili ekipnim takmičenjima (prvenstva, kupovi, lige, izborna takmičenja), dobijaju odgovarajuće titule u svojoj starosnoj i težinskoj kategoriji, kao i predviđenu nagradu.
- (2) Bilten sa rezultatima sadrži samo službene kategorije.
- (3) Bilten sa rezultatima i učesnicima objavljuje se na sajtu KS BiH.
- (4) Generalni plasman se vrši na osnovu osvojenih zlatnih, srebrnih i bronzanih medalja (Olimpijski sistem bodovanja).

### **XXI ZAPISNICI**

#### **Član 65.**

- (1) Na samom takmičenju (prvenstva, kupovi, lige i izborna takmičenja) u Karate savezu Bosne i Hercegovine upotrebljavaju se sljedeći zapisnici:
  - a. Zapisnik ekipnog meča u borbama,
  - b. Zapisnik pojedinačnih mečeva u borbama
  - c. Zapisnik ekipnih mečeva u katama
  - d. Zapisnik pojedinačnih mečeva u katama
- (2) Nakon završetka takmičenja, koja se nalaze u Kalendaru aktivnosti KS BiH, a u roku od pet dana kancelariji Saveza dostavlja se dokumentacija o svim bitnim događajima, predstavke, žalbe, završene i nezavršene žrijebne liste i sl. kao i:
  - a. Zapisnik vrhovnog sudije,
  - b. Zapisnik delegata takmičenja,
  - c. Zapisnik dežurnog ljekara

- d. Zapisnik Sportskog direktora sa državnih takmičenja
- (3) Bilten takmičenja se izrađuje i postavlja na WEB portal Saveza za takmičenja (karatebh.ba) i web sajt Saveza (karate bih.ba) u roku od 24 sata od završetka takmičenja, ukoliko nema prepreka za objavljivanje konačnih rezultata.
  - (4) Službeni portal za takmičenja Karate saveza Bosne i Hercegovine je karatebh.ba.
  - (5) U cilju vođenja jedinstvene evidencije na nivou KS BiH, obavezuju se svi organizatori takmičenja na nivou KS BiH, KS FBiH i KS RS, te na na nižim nivoima organizovanja da koriste jedinstven portal za takmičenja karatebh.ba.

## **XXII RUKOVODSTVO TAKMIČENJA**

### **Član 66.**

- (1) Rukovodstvo takmičenja čine:
  - a. Delegat takmičenja,
  - b. Vrhovni sudija,
  - c. Sportski direktor.

## **XXIII SLUŽBENA LICA TAKMIČENJA**

### **Član 67.**

- (1) Službna lica na takmičenjima su:
  - a. Delegat KS BiH
  - b. Sportski direktor (na Državnim takmičenjima)
  - c. Sudije
  - d. Ljekar/i
  - e. Sekretar Saveza
- (2) Delegat, sudije i ljekari određeni za jedno takmičenje obavezni su da potvrde Takmičarskoj komisiji KS BiH svoj dolazak na takmičenje 30 dana prije održavanja istog.

### **Član 68.**

- (1) Delegata takmičenja određuje Takmičarska komisija KS BiH, za svako takmičenje koje se nalazi u Kalendaru aktivnosti KS BiH, 30 dana ranije..
- (2) Službena uniforma delegata takmičenja određena je Članom 2. Sudijskog pravilnika KS BiH (kao sudija).

### **Član 69.**

- (1) Delegat takmičenja se stara o provođenju svih odredbi ovog Pravilnika, WKF pravila, Statuta KS BiH i ostalih pozitivnih akata Saveza i Zakona o sportu u BiH na takmičenju za koje je određen kao delegat.
- (2) U slučaju da organizacija takmičenja i ostali elementi ne zadovoljavaju odredbe ovog Pravilnika, delegat takmičenja je ovlašten da takmičenje prekine ili zabrani njegovo održavanje, a protiv odgovornih lica i organizacije podnese disciplinsku prijavu.
- (3) Delegat i ovlašteni član Takmičarske komisije vrši pregled dokumenata za sve takmičare i ovlašten je da iz takmičenja isključi sve takmičare koji ne ispunjavaju uslove ovog Pravilnika u pogledu težine, nedostataka ili netačnosti dokumenata i slično.

### **Član 70.**

- (1) Takmičari, treneri i sva službena lica koja svojim ponašanjem i postupcima ometaju normalno odvijanje takmičenja biće odstranjeni od strane delegata sa datog takmičenja.
- (2) Protiv lica iz Člana 70. Stav (1) bit će pokrenut disciplinski postupak.

- (3) Delegat KS BiH je dužan da od svakog prekršioca na samom takmičenju zahtjeva davanje pisane izjave o učinjenom prekršaju. Počinioc koji to ne uradi imat će otežavajuću okolnost prilikom provođenja disciplinskog postupka.

## **XXIV SUĐENJE**

### **Član 71.**

- (1) Na svim takmičenjima KS BiH sudi se na osnovu WKF Takmičarskih pravila za borbe i kate.

### **Član 72.**

- (1) Na prvenstvima, kupovima, ligama i izbornim takmičenjima Bosne i Hercegovine suđenje je određeno Pravilnikom o radu Sudijske komisije KS BiH.
- (2) Sudijska komisija KS BiH dostavlja spisak delegiranih sudija kancelariji Karate saveza BiH, Sportskom direktoru, Takmičarskoj komisiji KS BiH i tehničkom organizatoru, najkasnije 7 dana prije održavanja takmičenja, a Takmičarska komisija, kancelariji, Sportskom direktoru i sudijskoj komisiji i tehničkom organizatoru, ime delegata takmičenja.
- (3) Sve sudije određene za takmičenje dužne su da na mjestu takmičenja budu najmanje 30 minuta prije početka i da se jave vrhovnom sudiji.
- (4) Delegat je dužan da na mjestu takmičenja bude najmanje 2 sata prije početka takmičenja.

### **Član 73.**

- (1) Sudije za vrijeme takmičenja ne mogu imati druge kontakte osim onih predviđenih pravilima suđenja.
- (2) Sudije koje imaju pauzu mogu se nalaziti samo na mjestu predviđenom u tu svrhu, a nikako ne mogu odlaziti i kontaktirati sa takmičarima ili se nalaziti za glavnim zapisničkim stolom.

## **XXV TEHNIČKA SLUŽBA**

### **Član 74.**

- (1) Tehničku podršku organizaciji pružaju lica tehničke službe koje angažuje tehnički organizator takmičenja i staraju se o tehničkoj organizaciji takmičenja, protokolu i izvršenju satnice.

## **XXVI DISCIPLINSKE ODREDBE**

### **Član 75.**

- (1) Nepoštovanje pojedinih odredbi ovog Pravilnika i drugih pratećih akata vezanih za takmičenje povlači disciplinsku odgovornost svih učesnika takmičenja: takmičara, ekipa, trenera, klubova i službenih lica.
- (2) Na samom takmičenju, isključenje sa takmičenja i pokretanje disciplinskog postupka, mora izreći delegat takmičenja, a izvan takmičenja, ako dođe do narušavanja Takmičarskog pravilnika, isključenje i pokretanje disciplinskog postupka mora izreći Takmičarska komisija KS BiH.

- (3) Isključeni učesnici takmičenja: takmičari, treneri i službena lica, nemaju pravo nastupa do donošenja odluke Disciplinske komisije KS BiH, odnosno do okončanja postupka u cjelosti.
- (4) Disciplinska komisija KS BiH mora donijeti odluku u roku od 30 dana.
- (5) Drugostepeni organ u ovim pravnim postupcima je Upravni odbor KS BiH.
- (6) Trećestepeni organ u ovim pravnim radnjama je Sportska arbitražna.

## XXVII FINANSIJSKE ODREDBE

### Član 76.

- (1) Za organizaciju zvaničnih međunarodnih takmičenja (WKF, EKF, MKF, KFB) u Bosni i Hercegovini, KS BiH će izraditi poseban bilten.
- (2) Za državna takmičenja iz sistema takmičenja u karate sportu, KS BiH snosi troškove svih službenih lica takmičenja: delegata, sudija, ljekara, Sportskog direktora, Generalnog i Izvršnog sekretara, te predsjednika Saveza, kao i druge organizacione troškove (medalje, diplome, pehare i druge nagrade).
- (3) Za zvanične karate turnire iz Kalendara aktivnosti Saveza, u organizaciji klubova, troškove snose sami klubovi organizatori.

## XXVIII ZAVRŠNE ODREDBE

### Član 77.

- (1) Ovaj Pravilnik predstavlja propozicije za održavanje svih takmičenja iz Kalendara aktivnosti Karate saveza Bosne i Hercegovine, klupskih turnira i drugih karate manifestacija.

### Član 78.

- (1) Za sve što nije regulisano ovim Pravilnikom ili drugim normativnim aktima i odlukama Saveza, a pojavi se na takmičenjima, odluku donosi vrhovni sudija i delegat, svako iz svog djelokruga rada.

### Član 79.

- (1) Pravilnik stupa na snagu danom usvajanja na sjednici Upravnog Odbora Karate Saveza BiH.

### Član 80.

- (1) Izmjene i dopune ovoga Pravilnika vrše se na način i po postupku za njegovo donošenje.
- (2) Tumačenja ovog Pravilnika daju:
  - a. Upravni odbor Karate saveza Bosne i Hercegovine

U Sarajevu, 08.10. 2020.godine  
Broj: 10-02/20

PREDSJEDNIK KS BiH

Miroљub Kremenović

